

45 mangsa dipindahkan ke empat PPS di Maran

Oleh ABDUL RASHID ABDUL RAHMAN | 10 Disember 2024, 10:56 am



ANGGOTA APM memantau mangsa yang dipindahkan di Pusat Pemindahan Sementara di Maran.

MARAN – Gelombang kedua banjir mula melanda Pahang apabila 45 mangsa daripada 13 keluarga di daerah ini mula dipindahkan ke pusat pemindahan sementara (PPS).

Pengarah Angkatan Pertahanan Awam Malaysia (APM) Pahang, Che Adam A. Rahman berkata, sebanyak empat buah PPS dibuka bagi memindahkan mangsa-mangsa banjir mulai malam semalam.

“Seramai 18 mangsa dipindahkan ke PPS Pusat Pemindahan Tetap Luit, PPS Pusat Pemindahan Kampung ULU Luit (15 mangsa), Pusat Pemindahan Banjir Kampung Baru Sungai Chedong (tujuh mangsa) dan lima mangsa dipindahkan ke PPS Surau Bukit Kuin.

“APM masih lagi terus melalukan pemantauan dan bersedia memindahkan mangsa-mangsa yang terjejas akibat banjir,” katanya di sini hari ini.

Menurutnya pada masa ini Sungai Pahang di Maran dan Sungai Belat di Kuantan berada paras bahaya.

Selain itu katanyam Sungai Lembing, Sungai Kechau dan Sungai Kuantan berada pada amaran. – KOSMO! ONLINE